

國家深仁厚澤又幾二百年蒸蒸日上豈惟不異於古所云耶郡之支邑有分宜宋雍熙初析宜春之東境爲縣前此猶附郭也荆北龔君來

斯邑兢兢然蘄至於古循良之治不半載而百廢具舉適奉檄修省志一郡一邑先爲編輯龔君於案牘之外兼理鉛槧自夏徂秋甫三月而

邑志告成值余于役會
垣郵寄請序余觀其書
元元本本上而天文下
而地理中而風土人物
舉一邑之事巨纖悉備
若網之在綱驂之從靳

胙史枕經擇言必雅知
其平日之蘊釀者深矣
余旣於其書悉其地之
樸淳近古更以知龔君
之敏於治而其於撿觚
也精詳不苟如此將與

分宜縣志 卷之首
黼黻

皇猷上昌黎慶雲之表於茲
基之豈獨邑乘之明備
已哉爰綴數言弁諸簡
端以爲疇矢云

道光二年歲在壬午季

秋之下澣知袁州府事
桐鄉鄭心一撰



重修分宜縣志序

志者史之一體也今自

郡縣以迄省志則具全

史之體太史天官蘭臺

地理作志者罔不權輿

於斯而機祥占候寓於

天文沿革山川具於地
志又因之析類而標名
焉若夫志水利卽史之
河渠也志田賦卽史之
食貨也志秩官志祥異
卽史之官氏靈徵也其

他爲封爵爲人物則通
乎史之表爲名宦爲列
女爲方伎則兼乎史之
傳故曰志者史之一體
今自郡縣以迄省志則
具全史之體者此也我

今宜縣志 卷之首
國家文教誕敷遠洽垓埏
雍正九年奉

旨飭修省志一時郡縣之志
大備分邑縣志自康熙
癸亥及乾隆丁酉兩次
重修迄今又五十年矣

歲久版多漫滅魯魚亥
豕之訛校書者如掃敗
葉加以田賦選舉人物
藝文諸類多所增益倘
不及時纂修久而就湮
是亦官斯土者之咎也

歲之季春予承乏斯邑
適奉檄修省府縣志因
與學博王惺府梅聞齋
業兩先生及邑中諸文
士網羅放軼舊聞互相
考訂訛者正而遺者補

繁者刪而新者增操觚
者雖盛暑不輟三閱月
而告成自是觀乎天文
而列宿煥於上觀乎人
文而同風驗於下俾生
於斯者睹人物之忠孝

節義思有以仰其前徽
官於斯者知名宦之慈
惠循良思有以繼其芳
躅亦考鑑得失之林豈
徒備叅稽而已哉夫史
所以昭垂百世而志所

以備一代之文物典章
事增文省則如宋子京
之唐書鬱而不明累牘
連篇又如裴松之之補
注繁而鮮當江淹言修
史之難莫難於志意在

斯乎意在斯乎茲聊因
書成而爲之序云

道光二年歲次壬午重

九日知縣事荆北龔笙

撰



原序

郡縣之圖志何爲而作也國有賢守令猶家有賢子
孫守令保圖志以治分地子孫保關券以治分業能
治其所有卽爲賢矣因田野之有定界也而考其有
汙萊者乎因戶口之有定數也而考其有流亡者乎
因賦役之有定制也考其在公者有湮沒乎在私者
有暴橫乎因士習之有舊俗也考其有可匡直而振
德者乎有可濯磨而作新者乎治之而無倦則田野
可闢戶口可增賦役可均風化可以日美人材可以
日盛矣然則圖志可一日而闕乎分宜有縣起宋雍

熙至南渡嘉定間謝令謀作縣志尋復不果淳祐黃尉始克成之渾一以來更六十有七載浚義趙侯尚之爲尹百廢具舉乃作鈴岡新志以續前編書成適予叙族至邑南之防里侯以予於是邦實多桑梓之誼以序見屬辭不獲則願以昔人治官如家之責告夫求芻於吾邑者庶知前人作圖志之意非徒以廣紀載備考訂而已將以爲勤政之一大助也推本作者之意黽勉述者之事吾邑吾民其多幸矣乎大元翰林學士承旨光祿大夫知制誥兼修國史歐陽元誤

原序

分宜舊無縣而何有縣志自宋分宜春據上游而當水陸孔道因制爲縣是爲分宜則縣始有志在宋紀宋在元紀元迨我國初第又不過紀往跡耳而歷世久遠業已皆化爲烏有雖地不改闕所稱文獻者無徵矣余不佞以庚辰之役受命來茲而適當一時殘闕之餘方日夜自維蓋謂風俗淳漓非志不傳人物代謝非志不永乃前者旣逸後者莫續有司之過也何敢讓焉於是竊不自料其狂瞽網羅里巷放失舊聞勒爲六卷綱六目凡四十有五亦欲以究相沿之

故通古今之變顧睹記多遺僅存什一草創罕次未
叶篇章六載於茲而功乃竟儻所云史之難無過於
志詳哉其言矣若乃修廢舉墜用鑒前車核實稽名
期臨后土則余不佞所以上畏國是下懼民非持公
正而發憤者也卽獲罪於衆能家置喙乎昔子雲好
事常懷鉛提槧從諸計吏採四方之語以爲禪補今
雖不敢竊比古人後之君子儻能倣彼遺意嗣我斷
簡則是編所載亦鉛槧已夫明萬歷丙戌季秋九日
賜同進士出身文林郎知分宜縣浙鄞周應治譔

原序

粵稽三代之世設職方官掌天下地志不必身歷而
邦國都鄙山川形勢與夫貢賦物產班班可按籍考
也故漢高祖入咸陽蕭侯首取丞相府圖籍藏之誠
識天下樞要功爲第一則郡縣地志一書所關甚重
誠非渺小辛酉秋余奉

命來宰分邑甫下車見城郭蒼涼田多青草扼腕久之及
詢邑志僉曰明之萬歷丙戌周公修之迄今九十餘
年經鼎革兵燹後舊板散失沒傳云余以仕初鞅掌
未暇纂輯越次年壬戌適滇黔底定

分宜縣志 卷之四
三
朝廷大一統之盛

命儒臣纂修會典廣徵天下郡縣志誠一時盛事余因而喜曰志者記也一邑大事無不從而記之是天下大經大法大名義大公道所自出也其可使之泯泯不修乎爰搜舊志採舊聞延邑之貢士文學就館互相考訂訛者正而遺者補繁者刪而新者續邑以內山川地勢之勝賦稅戶口之繁風俗人才之盛學校壇場之舊人焉忠孝節義之著士焉文學德行之高與夫名宦政蹟題詠詩文靡不分門類聚登載無遺由是可爲一邑之信史矣遂捐俸選材付之梓人書成釐

爲十卷以副

上憲徵考以求其傳是書之集豈僅資一時之檢閱已哉蓋欲後之生於斯者覽之知某也忠某也孝某也節義思以景仰之官於斯者覽之知某也循某也良某也政教思以景行之士農工賈之居於斯者覽之知某人文行之高某人出處之正各思務其業而勵其行以承先哲之聲光於不朽享太平之盛治於無窮也是志之關於治化也大爰書以俟後之執筆者

康熙癸亥臘月文林郎知分宜縣事南海蔡文鸞撰

原序

郡邑之有志所以紀實也周禮小史掌邦國之志今雷封百里實爲古諸侯之國山川之險要物產之瘠饒風俗之貞淫奢儉將使爲政者一展卷而瞭如指掌立其教不易其俗齊其政不易其宜則志之所關於治具者匪淺鮮也分邑舊爲宜春之地山高水駛控據上游宋以前見諸載籍如陳重之有聲於漢盧肇之表著於唐皆爲邑產文物彬彬雅之盛已概見於斯矣邑志自康熙二十二年草創一修略具大觀未極詳備自癸亥距今又及百載我

國家重熙累洽久道化成生齒日繁科條具舉上之人所以興利除害之道下之人所以沐日浴月之功尤不可聽其抱殘守闕規規於前此之簡帙已也珖自嶺徼承乏是邦六載之間簿書碌碌惟修學一事幸賴衆力劬勩久肅瞻仰茲邑人士復以志乘爲百年闕典議請修輯余竊喜衆志之交孚而貲用之不患於無所出亟爲據呈轉詳報可諏吉開局與邑之老成名宿秉公商確總司分理收集衆長博採旁搜訂訛糾謬如天文城池田賦陂塘學校選舉之屬雖略爲變通而義歸簡約惟於山則因枝以尋幹於水則沿流以溯源縷晰條分竊彷彿禹貢導山導水之遺意至若都居之設與賦役相表裏或一姓而兼數甲或一甲而兼數姓務使畛域分明而後先有期不至於混淆此數者視舊志特詳而體裁亦別分門十六列卷二十所謂因事而紀實者庶無乖於徵文考獻之初志矣自秋徂冬四閱月而工竣方欲謀諸剞劂而余遽以夙疾告退一簣功虧尚冀後之君子益加潤色匡予不逮俾是書之成可以備一邑之掌故信於今而傳於後也是則予之厚幸也夫

時

乾隆四十一年丙申歲膺月知縣事吳川林邦琬謨

原序

分宜自宜春分域後常爲壯縣以屬於袁郡其山川之明秀戶口之繁庶人文之蒸蔚積而日盛猷其志乘則自

國朝康熙癸亥後閱今九十餘年未有起而續修之者邑之人無所寄其勸懲官茲土者無所資其考鏡余忝竊郡寄屢以是望諸長吏顧促促或未暇也旣六載宰是邑者爲粵東林君邦琬始以修志爲請余喜林君之知大體則急爲請於

憲府而行之未幾余奉檄署饒九南道事而林君亦

引疾以去余悵然疑前所請修志事將不克終矣及
余以乾隆丁酉秋還袁陽時代林君者爲潮陽黃君
謁見後出新志二十卷眎余曰是固林君所經始草
創而黽勉繼之以潰於成者也願得一言以弁諸簡
端余受而終卷刊訛訂謬視舊志加精而所缺於九
十餘年之記載則莫不眉列掌指大之足以垂法戒
小之猶足以裨風教備觀覽焉信乎邑志之善本矣
余於是益喜黃君之能濟厥美也蓋仕宦之以其官
守爲傳舍者有矣苟其無關於考課之殿最則笏束
塵封莫肯發視幸而有通達治體者出其間旣已知
所當務矣而宦轍不常徃徃事未半而瓜期已及後
來者其視前政之爲漠如也如是則雖有良法美意
求其功之及於民也鮮矣誠使爲政者皆不廢輟其
前功如農之相代以終厥畝其所裨助於治化豈小
哉今新志之作林君不以爲不急而謀之於始黃
君不以爲前政而成之於終然後邦典之缺略者一
旦犁然具備則由是心而推廣之凡

聖天子所以化民成俗垂諸令甲者惟視其職所得爲一
不以物我爲間吾知黃君他日所以廣其政於郡國
行其政於四方者胥自此一隅之志始也區區職方

之體例云爾哉余故樂書之且為長民者勸
賜進士出身中憲大夫知袁州府事加三級李允性誤

原序

今

聖朝重熙累洽寰宇享承平之福垂百餘年凡隸版圖戶
口日以殷繁人文日以炳蔚吏治則大法小廉民風
則愿樸秀良慮無不涵濡雅化協應乎邛隆於時輶
軒四出所過都邑健羨為美不勝收斯何如之慶幸
也歟分宜自宋置縣提封雖不甚廣而山水清澈昔
人至擬之畫屏麗茲土者鉅細精粗更僕難數要於
志焉班班可攷矣粵舉舊乘明以前掌故闕如比得
嘉靖志遞相祖述厥後踵事增新爰有成書由康熙

癸亥迄今閱歲九十有奇前宰吳川林君久任餘暇
銳意修輯此邦碩彥協力以効劬稿甫脫林君遽
以疾去綱奉檄承乏既蒞事都人士繕本彙函請加
校訂授梓予惟識陋才疎無能爲役然會逢其適聿
觀盛典之成亦竊所忻慕焉披閱再四見其綱目釐
然次第井然統門十六析卷二十炳炳朗朗皆有可
觀以斯知其允克信今而傳後也夫令長最號親民
職所專司不越政教兩端是書纂列如田賦都置營
建秩官等類足以紀政而若學校若選舉若人物列
女諸傳足以垂教二者兼修卽古循良之明效大驗

其茂有加矣林君之哀斯編也集思廣益不朽之功
將於是乎在綱忝附驥尾縱無解於碌碌因人之誚
而情殷葢事或庶幾與分末光耳後有作者考獻徵
文取全帙而揮擢之使鈐陽百里間紀載明備爲輶
軒之採所不遺是則予之厚望也夫

乾隆四十二年歲在丁酉孟秋之月知縣事澄海黃
維綱謨

分宜縣志凡例

一志書具體史裁編次與古類書相近始星野終雜記區爲三十二門必使有條不紊庶幾繁而不蕪

一分野自史記漢書而下悉以爲星紀至唐人記序始兼稱翼軫茲並採之以袁郡與荆之長沙曾隸安成非左袒王子安滕王閣詩序也

一禮稱測日景詩云觀流泉書志形勢城池其遺意也與沿革山川同屬地理故卽次於天文星野之後

一學校與公署祠廟與寺觀每易重出茲書詳略各異於學校則詳學宮而教諭訓導署僅備其名旁註詳

公署祠廟則詳載在祀典者卽古刹名藍均歸寺觀畫野分疆類之中自有不類者在

一田賦悉遵賦役全書後附以都畝卽周禮比閭族黨之意春秋傳所謂都畝有章也凡田賦戶口悉由此稽之故得以類相從

一人物舊志外續增者必考其實事察之鄉評方行登載非好爲里中月旦皮裏陽秋懼濫也

一古人列女傳凡才德素著亦在載筆之內非徒咏柏舟之詩作黃鵠之歌也茲書以節烈爲主於有才德者亦得以類並著於篇

一藝文惟錄有關世道人心之作一切唵風弄月文不雅馴者概從淘汰不使魚目混珠庶見雞羣立鶴

一雜記取類雖寬荒唐悠謬之說有似傳奇者亦不敢濫登言豈一端夫各有當而已

一是書開局於六月廿二日告成於九月廿二日諸君勸勤之力居多後有作者尙期匡我不逮焉

分宜縣志目錄

卷之首

序文 原序 凡例 目錄 姓氏 繪圖



卷之一

星野 附氣候

卷之二

沿革

卷之三

形勢

卷之四

城池 附疆域

卷之五

山川

卷之六

水利

卷之七

學校 附鄉飲酒禮

卷之八

公署

卷之九

書院 附捐貲

卷之十

田賦 附戶口 蠲緩 都省

卷十一

風俗

卷十二

土產

卷十三

兵衛

卷十四

武事

卷十五

關津

卷十六

驛鹽

卷十七

古蹟

卷十八

封爵

卷十九

秩官

卷二十

選舉

附仕籍

封贈

廕襲

卷二一

名宦

卷二二

人物

卷二三

寓賢

卷二四

列女 附壽母 才女

卷二五

仙釋

卷二六

方伎

卷二七

祥異 附五世同堂 一舉數男 耆壽

卷二八

祠廟

卷二九

瑩墓

卷三十

寺觀

卷三一

藝文

卷三二

雜記

分宜縣志姓氏

總纂

分宜縣知縣 龔 笙 湖北舉人

協纂

分宜縣教諭 王 欽 金谿舉人

分宜縣訓導 梅 照 壁 南城舉人

採訪

分宜縣典史 吳 鏜 順天議敘

分修

原任河南新蔡縣知縣 習 家 駒 邑人進士

候選

知

縣

袁宏燮

邑人舉人

候選

教

諭

夏侯响

邑人恩貢

候選

訓

導

嚴淦

邑人廩貢

候選

訓

導

趙錫寅

邑人廩貢

廩

嚴升偉

邑人廩貢

增

楊日煊

邑人

附

李兆梓

邑人

附

李鳴鳳

邑人

校閱

候選

訓

導

歐陽嗣李

邑人歲貢

附

生

張日杰

邑人

總理

優

附

生

張青萬

邑人

監

生

宋永齡

邑人

增

貢

生

袁松齡

邑人

輿

坤



圖



縣

治

異



分宜縣志

卷之六


繪圖

翠亭

嵐

圖


學基



大成殿




東廡



學房



露臺






大成門



名經祠

泮池

櫺星門



上舍


神庫

西廡

臺

明倫堂

泮池



殿後

殿前

節孝祠

文帝廟


忠義祠

明倫堂

學房


文昌宮

聖廟




出
糶

圖




先賢拜



文運天開



文運天開



鈴陽畫院圖



分宜縣志卷之一

星野志

保章氏掌星土之辨佾州鳩表分野之稱星野之說
由來尚矣邑自宋雍熙析宜春之東境爲縣漢隸豫
章屬揚州晉隸安成屬荊州昔以星紀當之未盡也
唯王勃滕王閣詩序云星分翼軫又云光射斗牛庶
幾近之今本此志星野



吳地斗分壘也今之會稽九江丹陽豫章廬江廣陵六
安臨淮郡盡吳分也楚地翼軫之分野也今之南郡
江夏零陵桂陽武陵長沙及漢中汝南郡盡楚分也

自南斗十二度至須女七度為星紀於辰在丑吳越之

分野屬揚州自張十七度至軫十一度為鶉尾於辰

在巳楚之分野屬荊州 晉書天文志

江南道蓋古揚州南境漢丹陽會稽豫章廬江零陵桂

陽等郡長沙國及牂柯江夏南郡地澗昇常蘇湖杭

睦越衢處婺温台宜歙池洪江饒虔吉袁信撫福建

泉汀漳為星紀分 唐書地理志

揚州管斗吳之分野兼得楚及南越之交 杜佑通典

是郡也翼軫之所照燭江湖之所灑射 符載鍾陵東湖亭記

晉張華雷煥見斗牛間紫氣求之得寶劍於豐城故王

子安滕王閣詩序云物華天寶龍光射斗牛之墟吳

分也又云星分翼軫地接衡廬玉海云天闢翼軫之

疆地振江湖之國則以其近於楚分也而或者以子

安為誤誤矣於次為星紀為鶉尾 郭子章豫章書

按史漢諸書悉以今全省為星紀分而未言度數

晉書州郡躔次始云九江入斗一度廬江入斗六

度 晉地理志廬江郡有尋陽縣 豫章入斗十度會稽入牛一度

吳分會稽立東陽郡其太末信安二縣地今半屬廣信府 至一統志引二十八

宿圖說云斗六星二十五度為吳之分野南昌入

斗之八度饒州廣信同居七度瑞州三度建昌五
度撫州六度吉安九度贛州十二度南康臨江袁
州南安俱斗四度而九江則入牛五度其分郡尤
晰說雖與九江入斗一度豫章入斗十度相逕庭
第星紀之次言人人殊黃帝分星次斗十一度至
婺女七度曰須女又曰星紀費直分星次斗十度
至女五度爲星紀蔡邕分星次斗六度至須女二
度謂之星紀已與陳卓范蠡鬼谷張良諸葛亮譙
周京房張衡互異夫斗宿不足以盡全省則黃山
谷道院賦云勾吳之區爲斗所直直之爲言主也

而旁及牛者有之此以知王勃滕王閣詩序光射
斗牛之說允矣獨星分翼軫天官家歷無此說惟
玉海云天關翼軫之疆地振江湖之國與王說相
表裏特鶉尾初張十八度中翼十八度終軫十一
度翼於全省無涉因分軫而連類以及耳司馬遷
稱吳楚之疆候在熒惑占於烏衡以同占推類言
之又以知全省地兼荆揚星紀之外旁及鶉尾而
袁屬近軫之分野益信有善甘石之術者自能辨
之

氣候

江西廣袤千餘里彼此遠近氣候各殊而袁近楚分宜居宜春之下新喻之上中貫秀水縣治豁然天開南逼迫而北空曠近治物候視四鄉爲早得氣之先入春景色和煦礎潤蒸濕入夏尤甚驚蟄微凍仲春卽暖亦或冬多暖而春多寒三月種稻視四鄉先半月鄉種早稻在四月初插秧時涼冷數日諺曰栽禾寒四五月多雨自黃梅雨發物易霉變山谷烟嵐之氣侵人南風夏扇日就炎煥初秋餘暑毒熱反勝三伏諺曰秋老伏近郭早稻夏熟四鄉必近秋始穫西北多早稻東南多晚稻九月始穫大約山寒水冷宜晚稻也其餘雜糧應候成熟與全郡相似八月望後隴風颯颯及旬九月涼颼振槁霜候逼木葉落十月後風威甚則雪霰集十一月冬至後則雪濃冰凍大降瑞雪其或霜雪稀少則次年種蒔多蟲益氣和則順候垂則戾天道徵應不爽善言天者必有驗於人歲月日時之有省暑雨祁寒之無吝是在司牧者之加意云爾

分宜縣志卷之二

沿革志

古昔盛時表提類而分區宇判山河而考疆域閱世
既遠沿革彌繁范蔚宗郡國志揚州刺史部豫章郡
宜春屬焉及吳寶鼎二年分豫章廬陵長沙更立安
成郡而邑則建始自宋以分自宜春而得名舊稱割
安福新喻之地以益之既乏明文茲無取焉志沿革

本宜春縣地

輿地廣記

雍熙元年置分宜縣

府志

析宜春之神龍招賢等十鄉置分宜縣以便民欲當宜

春新喻兩縣界之中也

太平寰宇記

元明仍舊

皇清因之編戶一百八十里

安志

按袁屬於古爲荒服之國禹貢職方均曰揚州春秋戰國之際吳楚奄有其地秦并天下置三十六郡袁屬九江郡漢高祖置豫章郡宜春隸焉吳統於安成郡晉太康元年平吳避太后諱改宜春爲宜陽仍隸安成郡屬荊州宋齊梁陳因之隋開皇九年平陳廢安成郡因袁山之名置袁州大業初改州爲郡依漢制置太守而袁爲宜春郡領縣三

萍鄉宜春新喻唐初改郡爲州太守爲刺史復置袁州領縣如故天寶元年改爲宜春郡乾元元年復爲袁州宋開寶八年曹彬平江南得州十九袁居其一是一年割筠州萬載來屬至雍熙元年析宜春之神龍招賢豐樂化全儒林彰善挺秀文標旌儒清教十鄉立分宜縣屬袁州元隸湖南行省至元十九年升袁州路隸江西行省明改爲袁州府隸湖西道統南贛巡撫此歷代沿革之大端也

分宜縣志卷之二
 形勢
 昌山疊翠秀水澄清袁嶺筆卓於北鈐岡屏橫於南
 四山週合宛若畫圖若路達湖湘連檣並進途通黔
 粵方軌齊驅八閩六詔取便要區亦山水使然也志
 形勢
 分宜為袁鉅邑山水秀朗仙臺外倚於仰山秀江東馳
 於彭蠡
 汪諧重修分宜縣學記
 分宜邑治前瞰秀江源發於楚萍至此渟滯而邑西東
 限以兩山東以巨峽
 嚴嵩分宜萬年橋記

分宜縣志卷之三

形勢志

昌山疊翠秀水澄清袁嶺筆卓於北鈐岡屏橫於南
 四山週合宛若畫圖若路達湖湘連檣並進途通黔
 粵方軌齊驅八閩六詔取便要區亦山水使然也志
 形勢

分宜為袁鉅邑山水秀朗仙臺外倚於仰山秀江東馳

於彭蠡

汪諧重修分宜縣學記

分宜邑治前瞰秀江源發於楚萍至此渟滯而邑西東

限以兩山東以巨峽

嚴嵩分宜萬年橋記

吳楚交會之區乾坤幽奧之境袁水西來演秀江而滄
澄若鑑鈴岡南峙環疊嶂而蒼翠如屏

許讚書院記

鐘山仙臺諸峯遠近環列而鈴獨蒼然秀出端若屏嶂

嵐霏空翠近若軒几風松烟竹灑如沐如

邵寶東堂記

按舊志稱縣治山脉來自上高末山邑南則紅花
仰其望也南北諸水皆會於秀江上下游其別出
者具詳山川志其形勢則前賢記敘類及之至形
家者言非大雅所尚概從其畧

疆域

在布政司南四百八十里在府東八十里廣六十里袤

二百里

東陸大路自縣東門二十里至界首泚臨江府新喻縣

交界

西陸大路自縣西門四十里至彬江市合山本府宜春

縣交界

南陸大路自縣東門萬年橋五十四里至車谷吉安府

安福縣交界

東北陸大路自縣東門一百里至櫟頭山臨江府新喻

縣交界

西北陸小路自縣北門九十里至梁觀村本府宜春縣交界

東南陸大路自縣東門五十里至迎塘嶺吉安府廬陵縣交界

西水路自西門渡口四十五里至彬江合山本府宜春縣交界又自楊潭十里至車田與宜春交界

東水路自縣東門二十里袁家渡臨江府新喻縣交界

分宜縣志卷之五

山川志

禹貢紀荆揚曰淮海衡陽職方紀荆揚曰會稽三江衡山江漢此名山大川之著者邑昔爲荆揚之區面鈐岡臨秀水或峙或流罔非靈淑之氣融結而成扶筇擊楫者將於茲編遇之志山川

鈐岡在縣南里許自紅花仰棲霞嶺南出爲將軍插鼓香爐諸山至忠武嶺折而北紆迴數里爲賀源起天井峻鈐西山昔爲城隍社背經里許橫過爲鈐岡新澤水出於右長壽水出於左兩水夾流山末故名鈐

端秀凝重正對縣治羣峯圍合如列屏嶂上有仰山
孚惠行祠山腰有泉涓流不竭自卓泉上至振衣爲
亭者四一傍雲二翠微三撫松四漱石明萬歷間知
縣周應治剝半山有亭曰問泉司李徐之孟建崇正
癸未冬值張獻忠寇變亭皆傾圮

皇清康熙甲辰守道施閏章捐貲重建撫松亭今亦廢

紅花仰在縣西南三十里化全鄉長壽里中有觀察李
憲墓層巒疊嶂攢簇雲霄由黃坑北出甌比腦右一
支爲野源山經石陂盡於野江濱野江水中一支歷
昌田至昌山起高峰下有閩城君廟唐盧萼建盧肇

記

詳祠廟

左一支由雙丫峯經猓猪坑起大德嶺北出
爲東坑爲合山旁有院坑菴下爲合山村東出大坪
過羊牯坳跌鴻毛洞至板嶺背爲路口村西出滴水
崖至牛欄坑餘脉盡於合源界宜春彬江濱河

鄱官嶺與紅花仰遙對在邑南五十五里十都太和里
其陰爲宜春澗富其陽爲分宜石巖頭東出爲甌蓋
嶺又東出爲五嶺西出爲大岡山由甌蓋嶺出爲源
頭大礮下羣嶺羅列稍折而下爲坊上盡於山口臨
長富水由五嶺廻環數里高峯迭出左分一支逆行
而南爲南山汗背綿亘里許一山特聳如鶴立鷄羣

名曰鶴山折而東旁爲西建菴透迤五六里盡於歷山頭又一支正落平岡爲新齒舖齒一作址餘脉盡於白廟前臨白廟前水

大岡山卽仰嶺在城南七十里九都豐樂鄉新興里爲邑南望山下有廣慶寺唐時尙雅祖師騎虎至此因建寺明黃子澄有記詳藝文

大岡山西出爲石筍峯玉女峯又出爲石坪山又出爲冠子山過焦坑村嚴渚右水發源處也折而西轟起黃老臺山巔巨石坦平傳晉時有黃石古者修煉於此又轉爲花崗過古雲寺起白石巖卽白雲峯爲防

里漳源望山其下有永清院院內有白石巖清輝閣方池古松今廢

白雲峯在邑南五十里九都新興里中出爲過峽亭旁有石如磨盤折而北起望高嶺爲漳源折而南歷棋盤石至防里汶江水於此滙有邑令祠元歐陽元爲南唐始祖宜春令殊立學士祠祀歐陽元有門曰清門歐陽元爲族人立坊曰狀元衣錦登瀛元趙思順爲歐陽元建南有源澗泉右有洞靈觀相傳晉時一女子於此修煉明洪武間周樞亦修道其中中有石溪橋昔有隱者垂釣於此左有登瀛橋星拱橋文昌

閣珠盤堤

黃老臺在邑南五十五里九都新興里南出一支至荷花澁爲鳳山菴界安福中一支經澧礮山口瀑水礮過長浦橋頂峻屈曲盤桓至桐木分水嶺其陽爲安邑其陰爲分邑轉而北透迤數里起紫雲峯界安福邑人歐陽鍾有紫雲峯賦

詳藝文

佛嶺在邑南五十里九都新興里由大岡山中出起順天臺過朱家坳盡於塔前海螺山東臨澧源水西濱嚴渚水佛嶺之陽爲雙源右邊水發源過大嶺天字峯經小佛嶺過峽土人謂之佛仔嶺右轉爲黃子澄

故宅左爲伏虎山又名竹坑其下有會勝院今名寶月菴

竹篙嶺在邑南六十里十都太和里爲大岡東出一支孤峯特起望之若竹稍西而下爲棲霞紆迴十里過玉嶺旁爲寶雲寺山有石如扇鎖狀名曰鎖石由玉嶺過峽平分三支

婆婆巖爲玉嶺北出一支在邑南四十里夏午村石壁卓立相傳元至正間彭媪採茶墜死雀啣木葉積成封堆村人驚爲神立祠祀之故名巖之東爲長富夏午盡於長陂濱長陂水巖之西爲巖源邬源其餘脉

盡於新澤朱陂濱朱陂水

盤蓮坑爲玉嶺南出一支在邑南四十五里九都新興里雙源左邊水發源於此橫過平衍蓋起定心臺其上有葛仙翁祠由定心臺屈曲而下平地過沿山峽復起數峯至雙源兩水交鎖

天堂埧烏石洞爲玉嶺中出一支在邑南四十五里九都沿山村折而南爲鐵砧山下有慈雲寺過沙嶺蓋起四顧臺下平岡爲淮源爲北村稍西廻環屈曲旁有顯龍寺卽顯教院轉爲漳源嶺歷松岡廟過分水坵左有鳳形山右有玉虛觀歷馬嘶嶺至牌前大畚

阜茶山歐陽汝墓界安福

石鎮嶺在邑南五十里八都大清里東北轉爲大華諸小岡界接安福下有鷺山寺迤邐三五里過東岸又數里起金頂峯上有古寺層巒疊嶂東分虎形嶺下爲石隴坑東北分寄柴埧下爲山西隴俱施溪水所自出

虎形嶺在邑南四十里招賢鄉重起香爐峯下爲白竹坪二二三小峯臨施溪中過箬場埧復起高岡爲花坑峻分鳳儀嶺連峯抵七里坑又中出石牛嶺亂石嵯峨下爲黃牛潭左會硯子坑水右會大坑水接安福

界

硯子嶺在邑南三十五里招賢鄉出爲曾坑腦連峯綿亘分圳溪又中出金鷄峯昔有紫氣上浮土人掘穴見金鷄冲飛因名又蜿蜒復起將軍腦左分諸小埠抵新屯其正支紆迴數里爲茅脊嶺又分橫江起神嶺雙峯秀削如芙蓉舊有廟今廢歲旱祈雨輒應下有廣教院唐貞觀時建餘脉盡於張家坊

茅脊嶺在邑南三十里神龍鄉清風里中出六七里爲迎塘嶺山圳有古菴菴前有亭路通吉贛爲分宜廬陵界舊志載行山今按地理相符疑卽此山由迎塘

嶺南轉爲龍虎嶺起屏峯山逆折而下爲檀溪又東出杉木峻迤邐過東山下岡阜絡繹抵嚴塘江而盡龍虎嶺在城南三十五里神龍鄉清風里東轉五里爲蕭家嶺至高峯一山崔巍特立陟其巔三郡山水俱入望中有菴名九龍仙山體分三面爲分宜廬陵新喻界

寄柴圳在城南四十里豐樂鄉大清里起數峯中出爲項子嶺折而南爲長隴西爲神坑嶺出楂村轉而南起金鳳臺逆而上抵鷄山臨平田止由金鳳臺進里許下有桑棗鋪

項子嶺在城南四十里招賢鄉右分醴礮岡巒層叠折而南爲上施武靈峯其形似鐘又曰金鐘菴舊傳寺殿秋夜有金燈飛來旋繞之異折而東起獅子腦屏峯山下爲田西一支分山田峯回巒抱起碧雲山寺面鈐岡山麓爲南坑旁支北起思姑臺下兔鹿原南過盤坑垌右抵田西水口馬鞍山自項子嶺中出爲雷打峽起望花樓山臨下石村又重數里抵新齒對岸而盡

老山峻在城南四十里由雷打峽折入過南坑騎馬垌山峯磊落相望南分北溪上村北抵曲江中出鏡掃垌有亭路通吉贛復起重山臨北溪新屯北臨木公陂中出長古塔菩提菴在其側又一折數里出社上垌起千紫嶺過東邊垌旁爲東建菴又起青草嶺過木源峻南支出院坑北支出下塘殷家田石礮菴在焉至木源峻復起高阜南出小行山北支回旋出睦源塘下又一支轉出平埠上與歷山頭對峙臨新齒江又綿亘出白芒起秀溪臺爲黃太常讀書處正支過楊姑垌爲吉贛通衢

楊姑垌在城南十五里招賢鄉南出爲鵝公嶺白芒村北爲銀山山巔白石如銀又出爲大行山折而東起

畫山蒼翠高聳如列畫屏山陽有普淨寺旁支委蛇
右抵七星臺左抵慕塘萬壽菴在其側出月光坳山
陰爲上田天花坳復轉李坑坳起復委折至下源坑
分水坳回旋五六里起高巖下臨嚴塘江爲清風山
今名擔江山下有寶慈觀今廢餘支抵白芒嶺下爲
分宜新喻界由楊姑坳東北出爲絲茅坑嶺外抵庄
邊內分社背荷源中出小芒又分幽山出鴉婆嶺正
支過中宜嶺北轉平岡分行曰金鷄舖曰嶺背楓樹
下俱濱白芒江水高峯森立曰照天燭曰仰天獅曰
安邦寨諸峯與鈴岡夾江對峙折而東矗起仙臺山
挿漢凌雲重叠數里下瞰秀江爲南鐘山

仙臺山一曰仙女臺在縣東五里五福樓峯峙其後右
有龍潭左有獅子巖羣山環抱一峯高聳石臺遙望
如筆邑人時加修葺世傳有牧羊者登山遇兩仙對
奕語之曰此上界也子下界人何爲至此今其村名
下界

清風山在縣南三十里下有寶慈觀世傳西晉時黃仙
姑修煉丹成白日昇天有煉池在觀之東今擔岡山
仁山在縣南五十里招賢鄉登龍里下有壽安院世傳
有一老僧遊方駐錫建利取仁者壽之義今無考

甘竹峯在縣西南三十里

慕石嶺在邑南三十里豐樂鄉有清源真君廟其上多石故名

玉岡山在縣西二十里化全鄉遵化里卓立如削玉下則平坦盤迴幽靜

雪山在縣西二十五里彰善鄉寧安里鍾袁山七峯之秀鎖昌山三摺之灣古木繁陰冬有積雪

上分嶺在縣北一百里清教鄉井塘里山脉自末山而來從嶺左出爲甘棠嶺起梅州嶺及烏獅嶺又東趨爲砥柱壁至石獅嶺爲蘭盤水源邈迤起仙姑嶺度

界牌嶺至鍾家山高嶺嶺東上高界又從南出爲梅

嶺即梅山嶺北上高界又南行十里至倉上南村起櫟

頭山東新喻界從嶺右起伏峯巒層疊至蔗蕪嶺下

瓜田歷桂村嶺過森塘起長峻山下蝴蝶坡至大山

坑出妙圓抵泉坵西接宜春界又自東南而下至洞

口矧出弓江起饅頭嶺一名大頭腦嶺北有雲峯寺

山泗村下至楓山嶺及長山口抵塘西而止又南行

數里起雷打石過新山歷妙嶺壁立千仞巖下有菴

石側懸一乳滴清泉又下數里爲敖嶺至蛟岡山歷

五雲嶺顯經嶺上有古廟過烏嶺經王壁嶺至建陂

江而止又自嶺南出數里起東西寨雙峯並峙高插雲際折落起尖山旁有桃源洞直下爲上松諸村又從東岡南行至輞溪蕪窟水分東西從中出起天竺嶺上有古庵曰天竺庵

天竺嶺在縣北七十里旌儒鄉輞溪里東出一支趨程坊蕪坑過霞工起鷄足山爲陳雷二公隱居處由嶺北至午橋爲髻子嶺起三角峯上有明教禪院下高嵐又西趨大張壁落泗背走環橋又西行至轉石嶺過大觀嶺及老嶺直下顧村又西下爲社山上有閣祀仙姑又自嶺西走桃花腦天井腦越里許爲張坊

村由張坊走舉橋過砂子圪上有仙姑洞至觀光對面復起筆架山下木葉圪延長數里至樓霞爲楊橋東市又自嶺南正出一支至美塘轟起高峯爲天竿嶺東出爲百子嶺綿亘而西起龍仰山一名猴坡嶺其下爲國公圪橫過至韓婆陵西出起高林山一名梢嶺其下爲高嶺庵

梢嶺在縣東北五十里挺秀鄉白水村峯巒孤峭如樹梢故名其山三巒迤邐由東趨西起梅花嶂中出一支爲縣脉橫一支西行爲楊基嶺其下爲孔道又西南折爲三峯嶺旁爲獅子腦其南出爲萬壽山上有

萬壽庵西出橫過分水坳起峻嶺北支爲梅峯嶺逶迤而下爲盧肇故里卽今觀光西走城頭張家嶺至青蓮庵而止南支蜿蜒數里左出蕭家坊右出狀元橋盡梅塘境又自梅花嶂中出一支過峽起展誥峯西橫過爲新塘嶺其下爲孔道有茶亭綿亘數里爲車溪禮塘一帶背山又自展誥峯下開張橫出經陰家陵西過爲禮塘面山數里起黃茅嶺嶺坳爲西北鄉出縣孔道又南分一支過埭頭轉黃丹源經玉嶺轟起高峯上有蕭何祠跌落分鄉嶺爲南岫長興庵旁爲玉屏山下有寺岡陵連綿曲折盡於揚江又一

支自展誥峯南出過峽爲西峰嶺落荒畚突起石峯橫過咸山東支趨老虎樓過水頸里至青竹山遶蘆泉塘廻環牛欄坑北轉起馬鞍山又東南叠起峯巒過圳上下城抵昌坊爲新喻界西出仙獅嶺有古廟仙獅嶺在縣西北四十里彰善鄉黃舖墟卓立千仞爲羣山之望右支爲白泥峻折而西轟起峯巒綿亘十餘里爲光子嶺晉時李琳字光子封渝川侯卒葬於此因名由山南出爲籊坑背山旁支走梁家坊出盧塘高家村左由白泥峻連起峯嶂經納田株山背逶迤數里至合嶺埭過峽口起屏風山過香竹坳起袁

嶺七峯

袁嶺七峯在縣西北化全鄉德全里自末山發脉蜿蜒起伏幾三百里簇起七峯舊傳漢袁閔隱此因名第三峯之麓有洪陽洞洞景絕勝第一峯東出走介溪南支斜落長巷裡復起小嶺出岐嶺下東出西磯岡度田起平岡抵伍家屋背由大北門入城趨趙家洲而止又一支逆上謝母垆穿田落平原至桂花樹下傍江而東趨泗下抵小北門入城至化龍橋而止鷄足山在縣東北八十里旌儒鄉陳雷里自陳雷二公卒後爲聖因寺寺背有石竅日出鹽以足寺用嗜利

者鑿而大之鹽遂止無蚊蛙

後寺僧逃散寺遂廢鄉人利其土田構訟到官周侯開緒斷歸義學有田六十三畝八厘地三畝五分今爲官庄每年收租爲義學用

百子嶺在縣東北七十里彰善鄉德興里由嶺南分支走黃巷下漿源過蟠蛇垆起臺石峯從石峯右轉特起屏嶂岡巒錯出勢如貫珠至集溪村由集溪橫過大埭頭平曠數里轟起大峯蜿蜒起伏東環藕塘至

標嶺

標嶺在縣東北六十里彰善鄉集溪村山勢高聳秀特

登之分新二邑俱在顧盼上有靈祠爲雲騰廟歲旱鄉人禱雨輒應下有小庵名標蓮蓮塘在其前清泓瑩澈由嶺西絡繹而出爲黃牛山過天井窩起小石山走桑林旁支南出爲江東又自嶺南上一支走下城下一支走麻田濱江而止東趨七星塘爲新喻界大蒙山在縣北九十里旌儒鄉南村里爲瑞袁臨三郡之鎮北界上高東南界新喻西分宜境由山南出分爲湖屏嶺山脊平坦上有望梅亭路通新喻綿亘直下爲孤山諸村寒坡洞在其側出爲孤山村水又相傳爲陳重故里

鷄公嶺在縣西北七十里文標鄉興化里山脈自宜春土嶺而來東趨乾塘嶺綿亘而至石古嶺一名獅子嶺峯巒層疊巖石嶙峋直抵建陂濱江而止由獅子嶺南一支逶迤開宕爲楊橋村橋西市有天符廟七月七日人大集

鷄籠山在縣東北四十里與仙獅嶺對峙旁有龍門洞峯巒重疊出北村南門口開州度鉄坑銀山垵入新喻界由銀山垵轉胡壤起重峯抵隘頭水川村又由隘頭左起五猴嶺一名筆架山下平岡出牧村又一支自九牛峯逶迤出洞源大江坵起鳳凰嶺抵茶盤

坑分暗坑羅公坑至下石虎頭上石虎頭荷蓮塘又自九牛峯分支出東頭至頭村過侯塔由仙獅嶺東南出爲照天燭復起一峯回何仙獅嶺爲黃太常祖墳舊志載在清龍潭上中隔一水誤又度重岡起盤觀三台峯落平岡數里分支出荷塘復起啓金嶺嶺下爲垓溪嶺東分支過桐陂圳出新臺上度平田爲鏡村由仙獅嶺右出至袁山洞名青龍潭分支出納田過王家山至大泉山崇法院又一支出牛婆嶺右爲金塘左迤邐五六里出曠家嶺又過下坊平岡一帶經敖家橋抵茶子山止又出塢橋觀祖臺經六七里起莊岡嶺山

陰有廟虫患多禱之南分平岡抵史家邊又東分唐家邊又分紫霞山爲吉祥寺山左爲雷公塔折而東南經后英鍾家邊郭家邊抵輞岡對岸而盡又東北出青坡山過南山抵收村又由南山抵獅子石過蕭公坑出界栢源起紗帽嶺下爲萬溪又由南山出了髻嶺抵馬坡至烏石虎又由冷水塘過觀音巖抵寶壁嶺其正支由雷公塔出山廊下轉白田起小屏山重峯綿亘爲北鍾山

鐘山有二在縣東十里神龍鄉鐘山里其山下瞰秀江水南曰南鐘山水北曰北鍾山裴子野宋畧云永嘉

元年有大鐘從上墜出視其銘秦時所造遂名鐘山
有巨石橫江數里又名鐘山峽輿地紀勝云常有一
漁人釣得一金鎖長數百尺又得一鐘狀叩之聲如
霹靂山川震動漁者懼沉於水或曰此秦時驅山鐸
也

西磯岡在縣北四里神龍鄉善和里

五猴山在縣北三十里側有明惠院

貫山在縣北四十里

龍王山在縣北七十里彰善鄉德興里山有泉上有龍
王祠故名

臺山在縣北二十五里山頂平坦廣數畝若臺

清泉山在縣北六十里文標鄉清溪里山有池泉清澈
故名

寶應山在縣北一百里清教鄉崇孝里

花林山在縣北六十里彰善鄉德興里

大泉山在縣北三十里儒林鄉袁山里有崇法院

蟠龍山在縣北八十里旌儒鄉東陽里

三松山在縣西七十里挺秀鄉揚江里下有淨覺寺僧
手植三松於寺前故名

大梅山在縣西六十里文標鄉清溪里其山多梅成林

又有桃溪山環抱溪泉

三峯山卽三角峯在縣北一百里旌儒鄉陳雷里下有

明教禪院

按諸山今昔異名者多難考實

馬鞍石在縣東鐘山峽水中以形似故名

洪陽洞在縣西十五里袁嶺三峯之麓明萬歷四十四

年丙辰守道鄔鳴雷因山爲屋約分三楹重塑婁葛

二仙像扁書古洪陽洞

記序詩俱詳藝文

小洪陽洞在前大洪陽洞之頂門甚隘其中廣容千人

有石倉石閣石磨之類舊傳晉宋人題名在深窈處

無火不可入且險難遍歷

靈山洞在縣北三十里儒林鄉洞內去地三十丈景物

不減洪陽中有丹爐濶二尺厚三寸許圓如旣望之

月傍有一石磨與丹爐尺寸不差或以爲燒爐蓋

桃源洞在縣北清教鄉上松後龍山背洞口空濶攀踞

而入石室虛曠有石鐘石磬扣之有聲竇穴奇怪不

可窮詰直北一室天窻虛明石帆至地躋攀而上所

見愈奇石級如田傍有石樹如荔枝有池澄泓石龍

天矯其上深入則路窄不可行或云可通上高末山

清風洞距桃源二里許居山之陽狹不可入傍有流泉

潺湲清風生焉又有雙清洞冬溫夏冷避暑者置盤
殮於中食頃輒凍其上有亭曰雙清亭

蝦蟆洞在縣北四十五里近殷家峻洞景軒敞嵌空伏
地如蛙故名

寒坡洞在縣北九十里旌儒鄉孤山村洞中空濶有清
泉雖時極熱至此皆寒故名

仙姑洞有二一在邑北砂子坳右石室幽邃祀海神天
后於洞中故名一在蘭盤仙姑嶺下舊傳仙女於此
績麻多載一日駕布疋至蒙山如橋飛昇因名其洞
無底每遇歲旱鄉民禱雨投石於洞輒應

迴瀾洞在邑北蘭盤迴瀾嶺下高峻幽邃洞口空明初
入石室平坦軒爽由竇而入始暗一水春溢冬涸有
石柱石樓南田北土石鼓石鐘石龍夭矯有鱗次第
至五關有穴通頂微明深入八九關所見愈奇至十
關光明由洞出卽是壠坊里

縣前江卽秀江在邑城南漢志宜春縣有南水東至新
淦入湖漢水水經註牽水經宜春縣東入湖漢水嘉
靖府志其源出萍鄉縣羅霄山東流至郡城過分宜
新喻至臨江府合大江自宋始有分宜秀江水自下
浦白沙經車田入分宜境趨洋江彬江下昌峽由黃

土潭學步潭入縣前澄澈環抱詩云江抱羅村如玉帶卽此城南門臨江名清源渡過萬年橋穿鐘峽經袁家渡出白漢渡爲新喻境

按南水見漢志十水中發源羅霄山流經府城西爲稠江牽水見水經註十川中考古錄以爲卽漢南水甚確惟宜春東境夢水當在分宜境詳見雜記

渭江水在縣東南三里東廂左自長富右自東岸中自禮冠三水同匯厥江下經新社二十里由楊柳潭至渭江入秀江

長富水在縣南三十里十都太和里發源甌蓋嶺會天池山及源頭圳諸水經硯子石大礮下迎龍橋坊上鍾靈橋南會山田水過東岡又東匯田心水經山口東北流入佩印橋爲長富由長富出聳嶺過礮裡匯江亭壽南橋岡下水入焉岡下水自五嶺發源過嚴塘西匯笋坑苧坑諸水出礮口北匯小嶺水南匯井溪水香爐峯下過山泗出洽村折而南經礮裡匯江亭橋下同出下午長陂白溪陂入永濟橋

禮冠水在縣南三十里招賢鄉七都登龍里發源葛藤嶺過塘井陂爲禮冠經安定山及佛嶺瀑布下龍潭

環潭皆山中有平地約數丈甚暑納涼寒氣襲人過
荒源與長陂水同滙永濟橋下至厥江南滙馬不陂
水

東岸水在縣南四十里八都大清里發源分水坵北至
飲泉亭下爲東岸歷檢江陂鷄山下東滙彭家山之
長坪圳長隴寄柴圳水北經金頂峯下旋繞至麻田
橋下堰過桑棗舖金鳳臺下西滙淮源沙嶺漳源圳
水經羊古陂重田嘉惠橋又西滙北村水歷渣村廣
德橋滙鐵石山嚴源塢源苦竹山水由廣德橋折而
北趨大羽陂新澤塘下坡珠溪楊家陂普惠橋下滙

斜江水從罐頸陂至店前爲馬不陂下合永濟橋水
永濟水在縣南二十里六都招賢鄉過新社東邊至白
廟前東滙木源水北過瀝山頭白芒滙小芒水小芒
水發源楊姑之陰出庄邊至白芒與諸水同出金鷄
舖西滙賀源水過大嶺背老虎口出磨腦橋同入渭
江抵秀江

野江水在邑南五里西廂野江口左發源龍蛇坑轉鼓
鑼巷出小水口陂至羅田村右發源紅花仰棲霞嶺
出黃坑東北滙香爐山水歷較嶺擾江裡謝家坊許
家橋南合忠武嶺水折而北出月山下星子墩石陂

橋灣裡壽南橋南匯薦裡水抵山下同匯野江入秀江

路口諸水一曰合山橋水聚田間小水而入一至社屋橋爲東坑水一至社坑橋爲楊柳坑水一至院坑橋爲老虎坑水各入秀江抵昌山爲昌峽

昌峽在縣西二十里彰善鄉寧安里山勢雄踞橫鎖江流而袁嶺出峽間石梁蟠亘險常覆舟名曰傷山後改今名顧野王輿地紀晉永嘉四年羅子魯於山峽爲陂灌田四百頃今崩塌詩詳藝文

按昌山峽卽三峽之一水中有望夫石相傳唐太

守鄭望夫於此修堰溉田後人思之因以爲名

白坂橋水發源自源頭江口水發源自土田俱入秀

江

施溪水在縣南四十里七都招賢鄉上施村右發源寄柴垌之山西左發源石礮坑至石火陂合流下村匯小嶺背水又會花鷄嶺水出七里坑楊家陂匯袁家礮水歷承源陂匯垌背水抵小陂西匯醴礮田西水醴礮水在縣南四十里醴家礮村發源礮下出龍頭江合宋家礮水經礮下陂下屋陂至田西南匯施溪水由田西東北流下市匯嶺上水過鎮遠橋社陂石黃

水經注卷之五
山川
三
陂抵北溪北滙山田水

山田水在縣南三十里流南坑過石虎陂趙公陂兎鹿源抵北溪崇福橋下與田西水滙出北溪兩江口經陂下入許家庄水流新屯南滙檀溪水

檀溪水在邑南三十里神龍鄉清風里左發源迎塘嶺過社坑塘坑至合塘陂中發源神嶺經石灣陂張家坊右發源橫江經項家大山陂劉家村至三元橋三水合流出九十巴陂磨陂埏背至新屯橋下滙北溪水由新屯過將軍灘陂歷下坊人陂至江東坪合小江水小江水左發源大行山楊姑埏之陽右發源隴

源小行山經曲江至杰公陂合流出東坪車陂經大江橋神龍橋三官殿前北滙慕塘下源坑水至芳陂南滙東溪水爲嚴塘江

嚴塘江在縣南三十里嚴塘村慕塘東溪二水入焉慕塘水發源李坑上田合下源坑水至三官殿前入江東溪水發源老虎嶺與彭家隴出山下至官陂同入嚴塘江由嚴塘江流觀前經易家橋李家山出水口入新喻河

按嚴塘江爲招賢鄉神龍鄉衆水所滙凡山西石隴坑醴礮山田小行山上田皆其發源處舊志載

李家礮檀溪稍爲闕畧李家礮卽醴礮又痕山水卽小行山水十家礮水地名無考舊志亦疑有誤社背水在縣東南二十里社背村流荷源至洋田入新

喻河

許頭水在縣東二十里許頭村發源幽山鴨婆嶺出狀元坑石腦上官陂經車江入秀江

桐嶺水在縣南五十里九都桐嶺村發源都官嶺下經石巖頭相見灣塞魚潭趨礮下陂龍潭陂門前陂沙田陂至下桐嶺折而西爲桐江口西南滙嚴渚水嚴渚水在縣南六十里九都嚴渚村發源仰嶺下象公

潭東出玉女峯過金蓮山下南滙石坪山水爲嚴渚石坪山水出天香臺折而東過焦坑出金蓮山下入嚴渚江由嚴渚水東北出泗海南灘陂楊野陂毛竹山下陂至桐江口冠子潭陂香花潭陂滙桐嶺水折而西過神山上澎湃潭陂至嚴田塔前陂滙澧源水澧源水在縣南五十里九都澧源村發源功德坑下南出泊塘東滙大嶺水西滙南坑水南歷撐腰石出大坑爲澧源過象形下陂經塔前出長江由長江出天馬山泉山下陂歷雷同嶺過蓬岐下陂至西山下北滙雙源水

雙溪水在縣南四十五里九都新興里雙源村左自盤蓮坑發源東南至穀谷折而北爲沿山東匯楓下水又東至株木橋匯漚源水右自佛嶺發源北至窮下過社邊又北匯玉嶺水經二王行祠過石澗江穿軒陂窄陂李家坊早禾陂折而東至雙源爲厨潭爲龍環橋下陂北匯了江水爲雙溪由雙溪南至胡頸橋東北匯斜下水入櫃仔潭又名雙江南至西岐山前匯長江水入漳源

按舊志載雙溪水出雷同嶺下匯澧源水兩帶夾流得名誤

漳源水在縣南四十五里九都鳳岐村歷臘陂洲前陂匯山洞坑普度橋下趨龍骨陂長源陂荷包陂流頭陂歐山陂橋頭梁野陂至桃源下梘江築陂馬鞍石卽西岸順流過沙田陂懶人陂觀前陂麻田陂至印山脚下赤口陂與汶江水合入桐江

汶江水在縣南六十里八都防里村右自黃真人臺下發源東至山口北匯花園水出瀑水巖下有深潭歲旱祈雨輒應過長浦匯山田水山田水自白雲峯過峽亭發源折而南歷山田圳下陂出鮎形下與長浦水合由長浦海螺陂牌上陂至黃陂歷社江南匯桐

木水旋繞主防里泉岡山下左滙漳源水二水合流
爲汭江同過星拱橋鵝公脚下石陂抵安福廬陵版
陂至吉水桐江入贛河

邑北諸水自東而西由西折而南出秀江仍自西而東
有三總滙一曰南山水一曰楊橋水一曰揚江水三
水納諸小支合流爲一通津外此則江斜蒙江航江
三水皆北境抱山夾流而出秀江茲標六目次第編
載

南山水在縣北八十里南山村左二支一自蘭盤石獅
嶺一自界牌嶺發源同出迴瀾洞口由箕窟過弓江

上井塘西會南山水右三支一自習泥塘蘆塘壩發
源流山泗下石馬會龍泉泉自楓山嶺下石洞流出
過鳳塘一自上分嶺發源至井塘過梓朋橋合石馬
水一由甘棠嶺下發源歷弓陂赤土會龍泉俱過鳳
塘石又一支由瓜田發源歷上松桃源陂一自烏林
塘發源經石口茶源至滙源合流下火田會石馬水
與前數支俱入南山江

楊橋水在縣西北六十里楊橋村正北一支由南山江
歷衡陂新陂芳山下小江邊大湖過坪湖橋出泉坵
西北一寺左出自桂村山下右則自色帶發源歷森

塘至妙圓合流出小礮江東下泉坵與正北一支俱
 會滑石橋入建陂東北一支由午橋章湖塘一帶發
 源西流高嵐泗背經下板陂過望封橋流規陂歷項
 家季戶陂青陂過石板橋有嘴陂瓦子陂同泉堰禮
 陂夏塘村下鵲橋至顧村歷老古長江陂而左境仙
 姑洞并桃源石子陂水口陂諸水合流注潭鄉朱陂
 會建陂出楊橋江又東北一支由美塘竹溪潭發源
 西流張坊歷舉橋埧口下觀光歷義橋至荆陂而南
 境歙州塘詳角陂網坑諸水俱入焉水皆西流過水
 浦橋合盧州水西肇故居在上得名歷王陂至樓霞折而南過

翔龍橋會楊橋江春夏可通舟秋冬用小筏通貨至
 楊橋市

楊江水在縣西六十里楊港正支自楊橋江南折出張
 家城經介石過卷山漳塘江東下紐村江左為白水
 一支泉自繁堂虎砂石穴出西流潭下嶺下大坑下
 白水出獅子口過西田會禮堂諸水流蕭坊下蕪坵
 狀元橋合梅塘水至禮教坊珠塘入紐村江一支由
 宜春伍家坊流入本邑水頭過新安橋歷潭埭下長
 塘會石壁下又一支由宜春潘家坊流入本邑券陂
 過琴山前會石壁下以上四支水俱入楊江四時皆

可通舟

蒙江水在縣西三十五里彭津村自邑東咸山發源西
流草山出花園折入黃鋪過水崖橋歷江南官陂祥
里上村至鳳陽橋章睦由沔村箬坑折而南抵蒙江
一自邑西庾塘發源東折而出彭津抵蒙江入秀江
江斜水在縣西三十里江斜村一支自盧塘發源北流
出江斜一支自冷水塘發源經上村下園過大背頭
歷水東橋至江斜一支自珠塘發源過赤塘下流三
十里滙江斜

邑西四水一曰河澤水在縣西十五里火山橋村自塘

邊火山橋塘發源東流社山村纏橫坑五里牌橋出
大路背陂入秀江一曰大金橋水在縣西十里金塘
鋪自袁嶺七峯下發源過石口通小金橋會大金橋
入秀江一曰謝恩橋水在縣西五里橋下村一自縣
西德全里大龍田山麓下發源南出謝恩橋一自七
峯嶺下泉塘發源過羅家邊至謝恩橋入秀江一曰
落星湖水在縣西五里落星村流小北門城洞注福
壽橋出化龍橋入秀江

耽江水在縣東五里河岸有水府真人李公廟事詳祠
廟一支由山塘下發源流下村車土江年坑西邊坑

會眺江橋一支自鐵坑燕窩發源出西峯口上至院前陂左會青龍陂橋頭右流棚下黃家橋路西坑會大新橋一支自泉塘下發源出陳家邊過介橋至十里店樟樹下后英桐橋會水輞江下眺江一支自介塘發源名介谿水淳泓清澈冬夏不竭流介橋小溪合泉塘下水至眺江入秀江

竹橋水在縣東北二十五里收村一支左自冷水陂發源過袁山洞袁山陂出等陂右自新山下發源至伍家陂經毛塘滙大泉塘過泉陂等陂上山陂入儒林橋社樹橋經藥陂長遠陂車陂入車陂橋下丑陂趨

鏡村會竹橋一支自金塘發源出棗塘會坪塘過小陂石巖陂鰾陂抵敖家橋入收村一支自莊岡嶺北新塘陂發源出南山抵收村一支自桂山金石臺發源流鐵坑羊頭山入梁塘至胡壤台陂又自龔山潭發源流梁甬過石橋出南門口橋會台陂出松陂度西頭橋經茆田陂羊頭橋入湖澤龍公陂又自龍門洞發源流陳思陂廟前陂度藍壁橋經過路陂担水橋會龍公陂東出租山陂小陂桐陂過水心橋經隘頭高陂收陂同入竹橋由竹橋至上井陂過頭村小姑陂下萬溪陂萬水橋吳家陂出聖陂普光橋入白漢渡一

支自八角亭內小路口冷水塘米篩泉發源流石虎陂至官陂注小水壩出白泥埭會萬溪水入白漢渡東北鄉水歸新喻江凡六支一曰湛源水在縣東北五十里繁堂出湛源石穴東流平視折而南入焦坑東折青竹會龍潭江東水出昌坊下小縣一曰江東水在縣東北五十里江東村自蘆泉塘發源至青竹過池頭會練陂鐘甕陂歷下城又一支自冷水井發源南流桑林會龍潭水東轉過練陂至下城一曰集溪水在縣東北六十里集里埭自百子嶺發源經三角陂過漿源陂注黃家陂流茅竹坑至石陂口一自上

源山發源過塘西歷阻陂坑注太和陂至楓木陂流茅竹坑會於石陂口一曰輞川水在縣東北八十里輞溪村自零溪青竹二山間發源由岐嶺下過東山下至鄒家陂出石牛灘會洞村一曰洞村水在縣東北八十里洞村自蒙山發源至南村洞口會洞村諸水一曰江夏水在縣東北八十里江夏村自涂塘發源至洞村過霞工張公陂南至江夏合週塘水又一支自孤山寒陂洞發源至石埭村會江夏水以上六支俱歸新喻境至小縣合流出祖陂江入喻水大江楊潭在縣西六十里楊秀二江水合流爲潭東流三十

里曰石浪潭因巖石激水成潭故名下流昌山峽十餘里水滙爲潭曰黃土潭復東流里許至真果寺前曰學步潭又東下十里至鐘山峽波瀾縈洄深沉莫測曰轉鐘潭世傳黃巢黨以鐘烹牛其鐘靈轉入水因而名焉

西岡湖在縣北三里廣六十丈可溉田六百畝

落星湖在縣西五里廣五十畝其深莫測舊傳唐時耕者向氏母居此一日有僧謂曰若有白犬至門當速徙母候之晝夜不寐果如僧言母乃走回視見巨星流於屋神光燭天須臾成湖因名傍有龍王祠歲旱

禱雨輒應

西關洲一名狀元洲在縣西關黃土潭之下諺傳沙洲
插縣前分宜出狀元

沙米洲在縣治東鐘山峽中春夏湍急白沙擁起兩岸如米邑人以之占豐歉若南岸饒則南岸豐北岸亦然

卓篙泉在鈴岡相傳昔仰山二神維舟卓篙於半峯遂有泉湧出舊有亭後廢萬歷六年知府鄭典重新之障石欄於外登臨可憇望焉

金塘在縣北三十里金家居舊傳金姓居此一日齊施

有丐子來衆皆叱之一婢私與餽飯遂謂婢曰若有
犬啣鞋走當速趕去婢如其言趕至山下回視其家
則已成塘因名其上有桂林同知羅諒墓

歙州塘在縣西北六十里文標鄉觀光世傳盧肇爲歙
州刺史後歸築塘於舍之南鄙故名

